

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-24-Z/22
Kakanj, 22.12.2022. godine

Z A P I S N I K
sa 24. redovne sjednice Općinskog vijeća održane 22.12.2022. godine (četvrtak)
u sali Općinskog vijeća sa početkom u 9:00 sati
(sažetak zapisnika)

Predsjedavajući Općinskog vijeća Slaven Katičić je pozdravio prisutne i otvorio 24. redovnu sjednicu Općinskog vijeća.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Safet Šahman, Mejrema Purišević, Mediha Mamela, Izudin Puščul, Omer Musić, Nerma Aliefendić, Elvir Delibašić, Namir Talić, Adis Mrkonjić, Izudin Hrusto (**naknadno pristupio**) (**SDA**)

Vinka Aletović, Ahmed Begić, Miroslav Spasojević (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić i Branko Češljic (**NS**)

Enver Merdić (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (**nacionalna manjina**)

Odsutni vijećnici: Džemal Bećirhodžić, Aldin Šljivo i Nedim Mušija (**SDA**), Eldin Mijoč (**SDP BiH**), Mugdin Gorak (**SBB BiH**) i Behija Kulović (**NS**) – **izabrana u Skupštinu ZDK.**

Predsjedavajući je konstatovao da je na sjednici u momentu prijave prisutno 23 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Mukades Delibašić, pomoćnik općinskog načelnika za imovinskopravne, geodetske poslove i katastar nekretnina

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurudin Hrusto, pomoćnik općinskog načelnika za civilnu zaštitu

Zijad Neimarlija, direktor Zavoda za planiranje i izgradnju općine Kakanj

Mahir Sikira, savjetnik općinskog načelnika

Izviestioci, obrađivači, gosti:

Ernad Čizmić, predsjednik OIK-a

Predstavnici medija

**NTV IC Kakanj
Radio Kakanj
Kakanj Info**

Napomene o radu Kolegija Općinskog vijeća

U pripremi 24. redovne sjednice Općinskoga vijeća, Kolegij Općinskog vijeća je 14.12.2022. godine, održao sjednicu na kojoj je razmatrao predstavke i ostale materijale koji su bili proslijeđeni na Kolegij i to:

a) Prijedlog okvirnog programa rada Općinskog vijeća za 2023. godinu

Kolegij je prijedlog okvirnog programa rada Općinskog vijeća za 2023. godinu uputio Općinskom vijeću na razmatranje i usvajanje.

b) Zahtjev UGOK Pokopnog društva „Zgošća“ Kakanj za ekshumaciju

Kolegij Općinskog vijeća je zahtjev proslijedio općinskom načelniku, Službi za privredu, urbanizam i zaštitu okoline, Službi za imovinskopravne, geodetske poslove i kataster nekretnina i Službi za društvene djelatnosti, boračka pitanja, raseljena lica, izbjeglice i povratnike kako bi sa podnosiocem obavili razgovor i pronašli prihvatljivo rješenje.

c) Obavijest Agencije za državnu službu F BiH u vezi pravilnika o unutrašnjoj organizaciji

Kolegij je obavijest proslijedio općinskom načelniku i Službi za opću upravu, radne i zajedničke poslove, lokalnu samoupravu i mjesne zajednice na očitovanje.

d) Obavijest Općinskog pravobranilaštva o odbacivanju tužbe JP Željeznice FBiH

e) Odgovor JP „ŠPD ZDK“ d.o.o Zavidovići o poduzetim radnjama na području Mehorića

f) Odgovor Zavoda na Inicijativu Agencije za javne nabavke Sarajevo za uspostavu centralnih nabavnih organa

Kolegij je obavijesti i odgovore primio k znanju.

g) Odgovor Grijanja d.o.o. Kakanj u vezi toplifikacije ulice Patriotske lige

Kolegij je odgovor proslijedio Službi za privredu, urbanizam i zaštitu okoliša da u sklopu postojećih programa razmotre mogućnost realizacije projekta.

Usvajanje zapisnika sa 22. i 23. redovne sjednice Općinskog vijeća

Nije bilo primjedbi na zapisnik sa 22. i 23. redovne sjednice Općinskog vijeća i isti su usvojeni jednoglasno sa 22 glasa ZA.

Komentari na dostavljene odgovore na vijećnička pitanja

Nije bilo komentara na dostavljene odgovore na vijećnička pitanja.

Komentari na dostavljena mišljenja na vijećničke inicijative

Nije bilo komentara na dostavljena mišljenja na podnesene vijećničke inicijative.

Vijećnička pitanja:

Dževdet Huskić: je postavio dva vijećnička pitanja. Prvo je mogu li načelnik i općinske službe/inspekcija tražiti od vlasnika prostora, koje koriste građani Kaknja, da se ti prostori uredi i dovedu u stanje za bezbjedno korištenje i boravak naših građana, misleći pri tome na uređenje gradske pijace, na kojoj se

nalazi mnoštvo rupa i koja je potpuno neuslovna za svrhu u koju se koristi? Drugo pitanje je zašto nema 31. decembra u kalendaru Novogodišnje čarolije, a što je bilo najavljeno?

Safet Šahman: je postavio dva vijećnička pitanja. Prvo pitanje je u kojoj su fazi realizacije planirani projekti izgradnje rasvjete iz programa za prošlu godinu, a drugo se odnosi na traženje informacije u kojoj je fazi rješavanja predmet vezan za uklanjanja drveća i kontejnera na autobuskoj stanici u Podborju, nakon izlaska općinske inspekcije na teren, a po zahtjevu MZ Krševac?

Vinka Aletović: je postavila dva vijećnička pitanja. Prvo je da li se pristupilo radnjama uređenja zemljišta i izgradnje parking prostora na Ponijerima kako bi se spremno mogla dočekati turistička sezona, imajući u vidu potpisani Ugovor o zakupu državnog šumskog zemljišta između Ministarstva za poljoprivredu, šumarstvo i vodoprivredu ZDK i Općine Kakanj, a na lokaciji bivšeg kamenoloma šumarije Ribnica Kakanj, sadašnjeg ŠPD-a? Drugo pitanje je kada se planiraju završiti radovi na području MZ Bijele Vode gdje je urađena rasvjeta prije godinu dana i postavljena četiri rasvjetna stuba, međutim rasvjeta nikada nije puštena u funkciju?

Predsjedavajući je konstatovao da je vijećnik Adis Mrkonjić postavio vijećničko pitanje bez korištenja govornice.

Adis Mrkonjić: je postavio dva vijećnička pitanja. Prvo pitanje je kada će se izvršiti postavljanje dodatnih zaštitnih mreža na novoizgrađenom dijelu puta Kakanj-Tršće, na dionici od Zgošće do skretanja za Zagrađe i drugo pitanje da li je ugovorom za izvođenje radova zimskog održavanja lokalnih cesta na području MZ Tršće ugovoreno održavanje (čišćenje) puteva u zaseocima Tabaci, Subašići, Bašići i Brkići, obzirom da prethodnih godina ovi putevi nisu održavani od strane izvođača radova, odnosno bila je praksa čišćenja puta samo do džamije u naselju Tršće?

Vijećničke inicijative

Dževdet Huskić: je pokrenuo dvije vijećničke inicijative. Prva inicijativa je da se općinski načelnik i direktor Zavoda za planiranje i izgradnju uveče slikaju bez upotrebe blica na pješačkom prelazu na raskrsnici ulica 7. muslimanske brigade i ulice Šehida, kao i u ulici 7. muslimanske brigade prema TC „Best“, te u neposrednoj blizini OŠ „Hamdija Kreševljaković“, a sve u nadi da će se na taj način steći uvid u stvarno stanje neosvjetljenosti na ulicama grada. Druga inicijativa se odnosi na ispostavljanje računa korisnicima usluga JP „Grijanje“ Kakanj, u formatu uplatnice, po uzoru na račune BH Telekoma ili EP BiH, a sve u cilju olakšavanja plaćanja korisnicima usluga.

Predsjedavajući je konstatovao da su vijećnici Mejrema Purišević, Nerma Aliefendić, Namir Talić, Adis Mrkonjić i Branko Češljic podnijeli vijećničke inicijative bez korištenja govornice.

Mejrema Purišević: je pokrenula vijećničku inicijativu za saniranje proreznih rupa na cementarskom mostu, jer na toj dionici puta iz pravca Malješ-Željeznička stanica, u desnoj voznoj traci na trotoaru se nalaze prorezne rupe većih dimenzija na samom mostu, koje nemaju nikakvu fizičku barijeru do vode i samim tim predstavljaju izraženu opasnost za sigurnost pješaka, a pogotovo djece.

Nerma Aliefendić: je pokrenula inicijativu da se u vrijeme zimskog raspusta postavi klizalište u gradu po uzoru na gradove u okruženju, jer bi se time oživjela svakodnevica građana u kojoj mogu uživati svi uzrasti, a naročito djeca i omladina.

Namir Talić: je pokrenuo vijećničku inicijativu da se napravi presjek stanja svih bankina na svim putnim pravcima naše općine, jer je evidentno da je usljed kiša i drugih vremenskih neprilika došlo do oštećenja bankina koje direktno utiču na sigurnost u saobraćaju, te zbog ne postojanja bankina uz asfalt dolazi do oštećenja asfalta.

Adis Mrkonjić: je pokrenuo vijećničku inicijativu da se izvrši dodatno čišćenje kanala za oborinske i podzemne vode na dijelu puta u mjestu Skenderovići, prije mosta na rijeci Zgošći iz pravca Kaknja, iz razloga što u periodu niskih temperatura, a usljed izlivanja vode iz kanala na saobraćajnicu, dolazi do stvaranja leda na istoj čime se ugrožava bezbjednost učesnika u saobraćaju na tom tom dijelu puta.

Branko Češljic: je pokrenuo vijećničku inicijativu za popravak rasvjete u ulici Rudarska i oko OŠ „Mula Mustafa Bašeskija“, iz razloga što je ulica Rudarska već dugo neosvjetljena, što naročito u zimskom periodu predstavlja problem kad se ranije spušta mrak, te su djeca primorana vraćati se kući kroz neosvjetljene ulice. Navedeno posebno predstavlja problem u zadnje vrijeme kad je evidentno povećan broj pasa lotalica.

Utvrđivanje dnevnog reda

Predsjedavajući je za 24. redovnu sjednicu predložio dnevni red koji je usaglašen na sjednici Kolegija.

U diskusiji o dnevnom redu nije niko učestvovao i isti je usvojen jednoglasno sa 24 glasa ZA.

Usvojeni dnevni red

1. Prijedlog odluke o izmjenama i dopunama Budžeta Općine Kakanj za 2022. godinu
2. Prijedlog budžeta Općine Kakanj za 2023. godinu
3. Prijedlog odluke o izvršavanju Budžeta Općine Kakanj za 2023. godinu
4. Prijedlog okvirnog programa rada Općinskog vijeća za 2023. godinu
5. Prijedlog odluke o vrijednosti boda komunalne naknade za 2023. godinu
6. Razmatranje Izvještaja o provedenim općim izborima 02.10.2022. godine
7. Prijedlog rješenja o privremenom imenovanju predsjednika i članova
NO JU Centar za socijalni rad Kakanj

1. Prijedlog odluke o izmjenama i dopunama Budžeta Općine Kakanj za 2022. godinu

Predlagač: općinski načelnik

Obrađivač: Služba za finansije

Izjestilac: Džihad Berbić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je rekao da je javnost značajno polarizirana po pitanju odluke Vlade Federacije BiH o isplati jednokratne pomoći radnicima radi prevazilaženje posljedica rasta cijena. Rekao je da on podržava isplatu kod svih poslodavaca koji su istu isplatili i da mu je drago da se naknada isplaćuje i radnicima u javnim ustanovama u Kakanju, kao i radnicima Općine, ali je iskazao žaljenje da se naknada neće isplatiti radnicima u JP „Vodokom“, za koje smatra da im je potrebija nego mnogim drugim. S toga je pozvao predlagača da se u tom aspektu pomogne Vodokomu ukoliko postoji mogućnost.

Općinski načelnik (odgovor): je kazao da nema zakonskog načina da se iz Budžeta Općine isplate sredstva javnom preduzeću za predmetnu namjenu, ali se složio da bi isplata naknade i radnicima Vodokoma bila poželjna, te je naglasio da JP ima svoje organe koji trebaju razmisliti o mogućnosti da se naknada isplati i tim radnicima.

Džihad Berbić: je napomenuo da u predloženom materijalu ima tehnička ispravka koja se odnosi na ispravku kodova u Službi CZ gdje se uvodi pozicija „HTZ oprema i sitni inventar“, a umanjuje se kod 613900 - „ostale usluge“, a sve radi lakšeg vođenja u knjigovodstvu.

Nakon diskusije Vijeće je usvojilo Odluku o izmjenama i dopunama Budžeta Općine Kakanj za 2022. godinu, sa 19 glasova ZA, bez glasova PROTIV i 5 glasova UZDRŽAN.

Predsjedavajući je predložio da se objedini rasprava po tačkama 2. i 3. dnevnog reda, a da se glasanje obavi pojedinačno.

2. Prijedlog budžeta Općine Kakanj za 2023. godinu

3. Prijedlog odluke o izvršavanju Budžeta Općine Kakanj za 2023. godinu

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji su učestvovali: Dževdet Huskić, Vinka Aletović i Izudin Puščul.

Dževdet Huskić: je pohvalio trud uložen u izradu budžeta i nastojanje da se koliko-toliko ugodi svima. Osvrnuo se na uloženi amandman od lokalnih poljoprivrednih proizvođača (oni koji prodaju svoje proizvode na pijaci, ne nakupci), a koji se odnosi na refundaciju troškova placarine. Smatra da nije veliki broj tih proizvođača, te je dao prijedlog da se kroz program podsticaja za poljoprivredu iznađe način da se udovolji tom zahtjevu. Uz to je naglasio da je za njega neprihvatljivo da se iz budžeta ne izdvaja zakonskih 3% za poljoprivredu, što je bila zamjerka iznesena od strane udruženja poljoprivrednih proizvođača tokom provođenja javne rasprave, kao i netransparentnost u trošenju sredstava. Rekao je da bi transparentnost trebalo dići na viši nivo i omogućiti udruženjima da direktno učestvuju u raspodjeli sredstava.

Vinka Aletović: je predloženi budžet ocijenila impresivnim i iznijela zamjerku na ekonomski kod „tekući transferi i drugi tekući rashodi“, gdje je došlo do smanjenja iznosa sredstava najugroženijim kategorijama stanovništva, navodeći pozicije koje su umanjene, kao što su: „pomoć za liječenje nezaposlenih pripadnika boračkih populacija“, „studentske i đачke stipendije“ i „pomoć za raseljene i povratnike“. Smatra da je navedene pozicije trebalo povećati, a ne smanjiti. Još je istakla da se nada da će kroz programe biti izdvojena sredstva za rekonstrukciju ceste u naselju Bare, zašto je u više navrata podnosila inicijative.

Izudin Puščul: je iskazao zadovoljstvo što Vijeće raspravlja o raspodjeli budžeta od oko 34 miliona KM, što nije bio slučaj prije desetak godina kada je općinski budžet iznosio oko 12 miliona KM. S tim u vezi pohvalio je angažman „kakanjske reprezentacije“ na državnom, federalnom i kantonalnom nivou vlasti, za koje smatra da su najzaslužniji za iznos budžeta o kojem se raspravlja. Predloženi dokument je ocijenio kvalitetnim u svim aspektima (ekonomski, razvojni, socijalni i dr.), pa je pozvao sve vijećnike da podrže prijedlog budžeta kako bi isti bio jednoglasno usvojen.

Općinski načelnik: je iskazao spremnost da se udovolji zahtjevu lokalnih poljoprivrednih proizvođača za refundacijom troškova placarine, ali nakon što se izvrše provjere ko je od tih registrovan kao samostalni poljoprivredni proizvođač, te dok se provjeri nadležnost za utvrđivanje cjenovnika za korištenje prodajnih mjesta na pijaci. U vezi diskusije oko izdvajanja 3% budžeta za poljoprivredu je naglasio da na visinu općinskog budžeta značajno utiče činjenica da se tu nalaze sredstva za funkcionisanje i rad javnih ustanova koje su u trezorskom poslovanju, kao i da ima dosta namjenskih sredstava od kojih nije moguće izdvajati 3% za poljoprivredu (kao što su most u Modrinju, izgradnja ceste, ski-lift na Ponijerima i dr.) Rekao je da se u skladu s tim može zaključiti da iznos budžeta, na koji se može primjeniti procenat od 3%, iznosi 12-13 miliona KM, te tako iznos od 470 hiljada KM, koliko je planirano izdvajanje za poljoprivredu, premašuje procenat koji je zakonom propisan kao minimalan. Uz to je podsjetio da je 2012. godine podsticaj za poljoprivredu iznosio 30 hiljada KM, a da je u proteklih nekoliko godina iz budžeta Općine u kakanjsku poljoprivredu izdvojeno oko 3,5 miliona KM, obzirom da je na godišnjem nivou izdvajano oko 500 hiljada KM. Radi stvaranja cjelovitije slike o izdvajanju za poljoprivredu iznio je podatke o izdvajanju sredstva u susjednim općinama i naveo da samo Zenica izdvaja neznatno više sredstva, a značajno je veća od Kaknja, dok sve druge lokalne zajednice izdvajaju manje i to: Tešanj 360 hiljada KM, Zavidovići 190 hiljada KM, Visoko također manje kao i drugi. Smatra da se udruženja moraju više angažovati da se poljoprivredna proizvodnja digne na veći nivo kako se poljoprivredom ne bi bavili samo radi podsticaja, nego da podsticaji budu samo jedan od vidova kako da se postane jači i veći, odnosno kako bi se stekli uslovi da se iskoriste poticajna sredstva sa viših nivoa vlasti za tu namjenu. U tom smislu je iznio podatak da je iz Budžeta ZDK u tekućoj godini, za podsticaje u poljoprivredi, Općina Visoko povukla 1,7 miliona KM, dok je Kakanj povukao samo 170 hiljada KM. Ocijenio je neprihvatljivim pokušaj delegiranja problema koji poljoprivredna udruženja imaju između sebe, Općini i općinskom načelniku, jer smatra da nadležna služba svoj posao radi jako kvalitetno i transparentno. Na kraju se osvrnuo na diskusiju vijećnice Aletović i kazao da se slaže sa istom, navodeći da će kroz programe biti uzeto u obzir stanje sabračajnice u Barama, a da je samo pitanje čemu dati prioritet (glavnoj cesti kroz naselje ili krakovima koji vode u druga naselja), dok je po pitanju iznosa planiranih za tekuće rashode za socijane kategorije stanovništva rekao da službe predlažu iznose za

koje smatraju da su dovoljni za realizaciju pozicija, uz napomenu da su u budžetu planirana izdvajanja za udruženja koja do sada nisu bila uzeta u obzir, a sve u cilju da se pokaže volja lokalne vlasti za pomoć svima kojima je ista potrebna.

Nakon diskusije Vijeće je usvojilo Budžet Općine Kakanj za 2023. godinu i Zaključak o provedenoj javnoj raspravi sa 17 glasova ZA, bez glasova PROTIV i 7 glasova UZDRŽAN, te Odluku o izvršavanju Budžeta Općine Kakanj za 2023. godinu, sa 17 glasova ZA, bez glasova PROTIV i 7 glasova UZDRŽAN.

4. Prijedlog okvirnog programa rada Općinskog vijeća za 2023. godinu

Predlagač: Kolegij Općinskog vijeća

Obrađivač: Stručna služba za poslove Općinskog vijeća

Izjavitelj: Slaven Katičić, predsjedavajući Općinskog vijeća

U diskusiji nije niko učestvovao i Vijeće je jednoglasno sa 23 glasa ZA usvojilo Okvirni programa rada Općinskog vijeća za 2023. godinu.

5. Prijedlog odluke o vrijednosti boda komunalne naknade za 2023. godinu

Predlagač: općinski načelnik

Obrađivač: Zavod za planiranje i izgradnju općine Kakanj

Izjavitelj: Zijad Neimarlija, direktor Zavoda

U diskusiji je učestvovao Dževdet Huskić.

Dževdet Huskić: je predložio da jedna od mjera za ublažavanje posljedica ekonomske krize bude da se bod komunalne naknade smanji na 0,001 KM, kako bi se stanovništvu olakšalo raspolaganje kućnim budžetom.

Zijad Neimarlija (odgovor): je prijedlog ocijenio provokativnim i naglasio da bi to predstavljalo gašenje života grada. Podsjetio je da Zakon o komunalnim djelatnostima propisuje šta se finansira iz sredstva komunalne naknade (održavanje javne rasvjete i plaćanje utroška iste, izgradnja horizontalne i vertikalne signalizacije, izgradnja puteva, mostova i druge infrastrukture i dr.), pa bi prihvatanje prijedloga značilo obustavljanje svih poslova u gradu.

Dževdet Huskić: je rekao da mu nije bila namjera da provocira, nego se možda radi o neinformisanosti, a da s druge strane možda imaju različito viđenje života grada i utroška sredstava za tu namjenu.

Nakon diskusije Vijeće je usvojilo Odluku o vrijednosti boda komunalne naknade za 2023. godinu, sa 22 glasa ZA, bez glasova PROTIV i 2 glasa UZDRŽAN.

6. Razmatranje izvještaja o provedenim općim izborima 02.10.2022. godine

Predlagač: Općinska izborna komisija

Obrađivač: Općinska izborna komisija

Izjavitelj: Ernad Čizmić, predsjednik OIK-a

U diskusiji je učestvovao Dževdet Huskić.

Dževdet Huskić: je pohvalio napore uložene od strane OIK-a da izbori proteknu u najboljem redu. Predložio je da se ubuduće povede više računa o obuci članova biračkih odbora, pogotovo predsjednika, jer je bilo informacija sa terena da pojedini predsjednici nisu dorasli svom zadatku.

Ernad Čizmić (odgovor): je naglasio da su protekli izbori prvi izborni ciklus za OIK u aktuelnom sazivu (tri člana nova), te da je, kad se sve uzme u obzir, vrlo zadovoljan radom OIK-a kroz sve faze izbornog procesa. Istakao je da se mnogo pažnje uložilo u obuku članova biračkih odbora, ali da je i pored toga bilo nekih propusta obzirom da pojedini članovi nisu usvojili znanje sa obuke, naglasivši pri tome da je veći broj grešaka zabilježen kod lica predloženih od strane političkih subjekata. Također, podsjetio je da

je u proteklom izbornom procesu bilo dosta izmjena u odnosu na raniji period. Na kraju je kompletan rad OIK-a i provedeni izborni proces ocijenio uspješnim, što dokazuje i broj primjedbi i žalbi upućenih CIK-u, te je apelovao na sve političke subjekte da prilikom narednih izbornih procesa predlažu u biračke odbore kandidate koji mogu odgovoriti povjerenom zadatku.

Nakon diskusije Vijeće je usvojilo Zaključak o prihvatanju Izvještaja o provedenim općim izborima sa 19 glasova ZA, bez glasova PROTIV i 5 glasova UZDRŽAN.

7. Prijedlog rješenja o privremenom imenovanju predsjednika i članova NO JU Centar za socijalni rad Kakanj

Predlagač: Komisija za izbor i imenovanja

Obrađivač: Stručna služba za poslove Općinskog vijeća

Izjestilac: Mediha Mamela, predsjednica Komisije

Mediha Mamela: je predložila privremeni Nadzorni odbor JU Centar za socijalni rad Kakanj, u sastavu: Eldina Kovač – predsjednica, Magbula Ganić – član i Ema Petrović – član.

U diskusiji nije niko učestvovao, a predloženo Rješenje nije dobilo potrebnu većinu sa 14 glasova ZA, bez glasova PROTIV i 9 glasova UZDRŽAN.

Predsjedavajući je ispred Vijeća i u svoje lično ime čestitao 21. decembar – Dan rudara, nastupajuće Božićne blagdane i Novu godinu, te zaključio rad 24. redovne sjednice Općinskog vijeća u 10:25 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić